



102/1

KISWAHILI

KARATASI YA 1

INSHA

Mwongozo wa Kusahihisha.

USAHIHISHAJI

Karatasi hii imedhamiria kutahini uwezo wa mtahiniwa wa kuwasiliana na msemaji. Mawasiliano haya yatategemea ukweli wa lugha ya mtahiniwa: kutunga sentensi sahihi, insha yenye utiririko mzuri wa kimawazo na lugha ya kuvutia na yenye asilia.

Viwango vya kukadiria insha.

KIWANGO CHA D.

MAKI 01-05

1. Insha ya aina hii haieleweki kwa vyovyote, mtahiniwa ametumia lugha hafifu na isiyoeleweka.
2. Mtahiniwa hana uwezo wa kutumia maneno ya Kiswahili kwa njia inayofaa.
3. Lugha imevurugika, uakifishaji usiofa na insha ina makosa ya kila aina.

VIWANGO TOFAUTI VYA D.

D-(KIWANGO CHA CHINI)

Maki 1-2

Insha haina mpangilio maalum na haieleweki kwa vyovyote vile. Mtahiniwa amejitungia swali.

D(WASTANI)

Maki 03.

Mtiririko wa mawazo haupo, na insha haieleweki, makosa mengi.

D+ (WASTANI)

Insha hii ina makosa mengi ya kila aina. Lakini unaweza kutambua kile ambacho mtahiniwa anajaribu kusema. Insha ina lugha dhaifu ya Kiswahili na haina mpangilio. Inawasilisha ujumbe kwa njia isiyoeleweka kikamilifu.

Hana uhakika wa matumizi ya lugha na hupotoka hapa na pale. Mpangilio wa insha ni hafifu na mtiririko hujirudia.

Mtahiniwa ana athari za lugha ya kwanza.

VIWANGO TOFAUTI VYA C.

C- Maki 06-07.

Mtahiniwa ana shida ya kuwasilisha mawazo yake.

Hana msamiati wa kutosha.

Mada haijakuzwa kwa njia inayofaa.

Ana makosa mengi ya sarufi na tahajia.

C (wastani) 08.

Anawasilisha ujumbe lakini kwa njia hafifu hana ubunifu wa kutosha na dhana tofauti hazitokezi wazi.



Uakifishaji wa sentensi za si mzuri.
Amejaribu kushughulikia mada aliyopewa.
Ana makosa ya ijai, sarufi na msamiati.

C+ (KIWANGO CHA JUU) Maki 09-10.

- i) Mtahiniwa anawasilisha ujumbe vizuri kwa njia isiyo na motto.
- ii) Dhana tofauti zimeanza kujitokeza japo kwa njia hafifu.
- iii) kuna utiririko wa mawazo na japo kuna ufundi wa lugha unafaa.
- iv) Misemo, methali na tanakali za sauti zimetumiwa kwa njia hafifu.
- v) Anashughulikia mada aliyopewa kwa utiririko mzuri.
- vi) Kuna makosa ya sarufi, msamiati na hijai lakini bado inaeleweka.

B- (KIWANGO CHA CHINI) maki 11-12.

- i) Mtahiniwa anawasilisha ujumbe wake kwa kuonyesha hoja tofauti tofauti.
- ii) Kuna utiririko mzuri wa mawazo.
- iii) Ana uwezo wa kutumia miundo tofauti ya sentensi.
- iv) Makosa ni tofauti ya hapa na pale.

B (WASTANI) maki 13.

- i) Mtahiniwa anadhihirisha hali ya kuimudu lugha.
- ii) Anawasilisha ujumbe wake waziwazi kwa mawazo yanayodhihirika.
- iii) Matumizi ya lugha ya mnato yamejitokeza.
- iv) Anatumia mifano michache ya msamiati mwafaka.
- v) Matumizi ya tamathali za usemi yanaanza kudhihirika.
- vi) Makosa yanaweza kutokea hapa na pale.

B+ (KIWANGO CHA JUU) maki 14-15.

- i) Mawazo ya mtahiniwa yanadhihirika.
- ii) Mtahiniwa anawasilisha ujumbe wake kwa njia inayovutia na kwa urahisi.
- iii) Uteuzi wake wa msamiati ni mzuri.
- iv) Sarufi yake ni nzuri.
- v) Uakifishaji wake ni mzuri.
- vi) Kuna makosa ya hapa na pale.

A-(KIWANGO CHA CHINI) maki 16-17.

- i) Mtahiniwa huhahirisha ukomavu wa lugha.
- ii) Ana mtiririko mzuri wa mawazo kulingana na mada.
- iii) Anapamba lugha kwa kutumia tamathali za usemi.
- iv) Uakifishaji wake ni mzuri zaidi.
- v) MAkosa machache ya hapa na pale.
- vi) Anazingatia matumizi mazuri ya msamiati na sarufi.

A(WASTANI) maki 18.

- i) Mawazo yanadhihirika zaidi.
- ii) Anatumia lugha mnato.
- iii) Anatumia msamiati wa hali ya juu na unavutia.
- iv) Sarufi yake ninzuri.
- v) Anatumia miundo tofauti tofauti ya sentensi kifundi.
- vi) Anajieleza kikamilifu.
- vii) Makosa machache ya hapa na pale.



A+ (KIWANGO CHA JUU) maki 19-20.
 Mtahiniwa anawasilisha ujumbe wake kulingana na mada.
 Anadhihirisha mawazo yake vizuri zaidi.
 Anajieleza kikamilifu bila shida.
 Anatoa hoja zilizokomaa.
 Msaniati wake ni wa hali ya juu.
 Makosa ya aina yoyote yasizidi matano.
 Jumla ya makosa yasizidi matano.

JINSI YA KUTUZA INSHA MBALIMBALI.

1. Mtahiniwa asipozingatia sura ya insha aondeewe maki 4(nne) baada ya kutuzwa.
2. Insha isiyotosheleza idadi ya aneno aondolewe maki 2(mbili) baada ya kutuzwa.
3. Mtindo ya kuandika herufi tofauti isiingilie sana utahini.
4. Hati ya mtahiniwa isitiliwe maanani mno.

ALAMA	MAKI.
A+	19-20
A	18
A-	16-17
B+	14-15
B	13
B-	11-12
C+	09-10
C	08
C-	06-07
D+	04-05
D	03
D-	01-02

MAKOSA MBALIMBALI.

SARUFI.

- i) Matumizi mabaya ya herufi kubwa na ndogo.
- ii) Maendelezo mabaya ya ngeli K.M ng'ombe inakimbia.
- iii) Matumizi mabaya ya nyakati.
- iv) Kukosa kuakifisha au kutumia alama ya kuakifisha mahali pasipofaa.
- v) Kuanzia sentensi kwa kistari. Mfano –Baba alienda shambani.
- vi) Kuacha neon -mimi kwenda shambani.
- vii) Kurudia neon -mimi mimi sipendi chakula.
- viii) Kukosa kutonesha.

MAKOSA YA HIJAI.

- i) Kuunganisha maneno k.m kwasababu.
- ii) Kutenganisha maneno k.m aliye kuja.
- iii) Kuendeleza neon vibaya k.m aliekuja.
- iv) Kuongeza herufi katika neon. K.m kuwa badala ya kua
- v) Kuacha herufi katika neon k.m hakik badala ya hakika.
- vi) Kufupisha maneno kama vile n.k, k.v, k.m
- vii) Kukata silabi vibaya
- viii) Kukosa kuka ritifaa kwa mfano ngombe badala ya ng'ombe.



ALAMA ZA MATUMIZI.

1. Maudhui ✓
2. Sarufi i)= ii) ^ achwa.
3. Hijai _____
4. Msamiati ✓ au x msamiati mbaya.

SWALI LA KWANNZA

SURA YA TAWASIFU.

- i) insha iwe na kichwa.
 - ii) sehemu ya utangulizi ielezee maisha ya mwandishi.
 - iii) Mwili wa tawasifu utoe maelezo kuhusu elimu, hitimu, tabriba, pandashuka na mafanikio ya mwandishi.
 - iv) Mtahiniwa awe msimulizi katika insha hii.
 - v) matukio yapangwe kiwakati.
 - vi) Mwishoni mwa insha hii, msimulizi ajishashue kwa kuonyesha uzuri wake
 - vii) Kuweko orodha ya wadhamini.
- (Mtahiniwa asipozingatiwa sura ya insha aondolewe alama 4.)

2. Swali la 2.

Manufaa.

- i) Hurahisisha mawasiliano.
- ii) Hutumiwa kuburudisha
- iii) Hurahisisha masomo kwa wasomi.
- iv) Husaidia kuhifadh ujumbe kirahisi.
- v) Husaidia watu kufanya kazi hata wakiwa nyumbani au popote.
- vi) Walemavu hasa wasioandika huwasaidia kuwasiliana
- vii) Hufanya kazi nyingi ikiunganishwa na binadamu.

Hasara.

- i) Huendeleza upotezaji wa wakati.
 - ii) Hupuja wanaandishi wa vitabu.
 - iii) Huendeleza maovu kwa mfano taarifa za siri za mtu kuenezwa kiharaka.
 - iv) Huhitaji fedha nyingi kununua.
 - v) Huathiri macho.
 - vi) Huonyesha picha na video potovu kwa watoto.
- (Mtahiniwa lazima atoe hoja pande zote yaani faida na hasara)

Swali la 3.

Mla cha mwenziwe na chake huliwa.

Methali hii ni sawa na mhini na mhiniwa njia yao ni moja.

Methali hii humaanisha kuwa amfanyiae mwenzakeyasiyo ya haki naye pia atafanyiwa vivyo hivyo.

- Mwanafunzi atoe maana ya nje na dani
- Asipotoa maaa asikosolewe.
- Atoe kisa kinachoafikiana na methali.

4. Swali la 4.

Walikumbatiana kumbatu. Machozi yakapita nyusoni kwa hiari na kufanya nguo kubana.

Kilichopendeza na muhimu ni kuwa walirudiana tena hakuna tofauti tena.

Mtahiwa atoe kisa kinachonyesha jinsi watu waliokosana walivyopatana/kusameheana.

